

# Pol da Kolosi Amin do Papi Mandagit

## But piso gen

Kolosi unun kokup pap kinda Esia Provinskon toso. Unun Epesas kokup pap da kapmatjok toso. Pol da iyi unun panmuwukbi dima panalon agit, amin di da panalon awit.

Pol unun amin di da Kolosi amin dakon nandan gadatni panupbal ak do aŋ unun dakon geni nandagit. Do nandan gadatni panjeban ak do papi on mandagit. Yan yoyisak, Kristo unun yo morap dakon busuŋi. (Gagi 1.15-20 ae 2.9-15 unudon koki.) Kristo kalon dagan nin yokwikon ban tagi timitjak, ae kosit njwaknjwari kindakon da nin aripmi dima panpulgogi. Unun Kristo da dubagikon panjikdan. Kristo obakon da Piŋkop da yo morap wasagit, ae Kristo da pi agit do aŋek Piŋkop da yo morap yokwikon ban timitdisak. Kristo ninon egakwan nin miŋat aminyo kalugi dagaŋek Kristo dakon anpak yolek aman.

Pol da papi on mandan amin bamot do yoban papi anan Kolosi kigimal. Unun Tikikus gat ae Onesimus gat. (Gagi 4.7,9 unudon koki.) Pol da Pilimon do papi mandagit unungwan Onesimus do morapmi yosok.

---

**Kristo unun yo morap dakon busuŋi. Ae Piŋkop dakon egip egip ae anpak morap kisi unudon tuganbi da ton**  
(*Kilapmi 1.1–3.4*)

**1** <sup>1</sup>Nak Pol, Yesu Kristo dakon yabekbi kinda. Piŋkop da iyi da galak togon yabekbi pi abeŋ do nak manjigit. Nak gat ae notnin Timoti gat nit da <sup>2</sup>Piŋkop dakon telagi miŋat aminyo kokup pap Kolosi ekwan ji do papi on mandamak. Ji Kristo yol kimagek nit dakon padik padik ae saminit kabi ekwan. Nin Piŋkop Datnin da nandan yawok damiŋek butji panyawot aban yaworisi tosak do bisit aman.

**Kolosi amin da Yesu nandan gadan imiŋ kimakgwit**

<sup>3</sup>Nit ji do bisit amak bisap morapmon Piŋkop, Amin Taginin Yesu Kristo dakon Datni, ya yan iyamak. <sup>4</sup>Nido, nit da ji dakon gen

nandagimak, unun yan: ji Yesu Kristo nandan gadan imin kimagek Pinjkop dakon minat aminyo but dasi galak tan yoman. <sup>5</sup> <sup>b</sup>Ji yan an nido Pinjkop da ji do yo tagisi Kwen Kokupmon panoman agit da ton unun timitdaman yansi nandan, do nandan gadat anek amin do but dasi galak tan yoman. Gen Bin Tagisi dakon gen bami nandawit bisapmon yo Kwen Kokupmon ton yan ji kili nandawit. <sup>6</sup> On Gen Bin Tagisi jikon obinek miktimi miktimi kisi kigit. Yan anek madepsi paptan iren tane minat amin morapmon anpak tagisi panalon an yomisak. Ae Gen Bin Tagisi si abidawit gildaron da wasanek yan gin agit. Unun gildaron Pinjkop da asi amin do nandan yawot an yomisak unun nandaba pisagit. <sup>7</sup> <sup>c</sup>Asi Epapras da Gen Bin Tagisi on dayin dekgit. Epapras unun Kristo dakon oman amin tagisi kinda, ae unun nin dakon pi isalnin, nin but dasi galak tan imaman. Unun da nit panpuluganek Kristo dakon pi jikon tosok unun kilani tagisi asak. <sup>8</sup> Unun da Telagi Wup da ji panthagap aban amin do but dasi galak tan yoman unun do niyigit.

#### **Pinjkop da Kolosi amin panteban asak do Pol da bisit agit**

<sup>9</sup> <sup>d</sup>Yando, nit ji dakon gen nandagiman bisapmon unun gildaron gin wasanek Pinjkop da ji panpulugosak do bisit yipman deri mini amak. Bisit amak unun Telagi Wup da nandak nandak kilegi gat ae nandan kokwin mibili mibili tagi gat daminakan ni anpak ani do Pinjkop iyi nandisak unun nandaba pisosak. <sup>10</sup> Ji da Amin Tagi dakon minat aminyo da anpak ani do nandisak unun ani do bisit amak. Ae pi tagisi morap ani unun bami tagisi tokdan. Anek Pinjkop do morapmi sigin pakyansi nandaba pisokdan. <sup>11</sup> <sup>e</sup>Ae bisit yanjo kisi amak: Ji Pinjkop da tapmim mibili mibili damjak, anakan unun dakon tapmimni tagisikon ji tebai agek but yaworon da jigi tagi guramitni. Ae kisik kisik <sup>12</sup> <sup>f</sup>anek Pinjkop Dat ya yan iyini. Unun da ji panpuluganban yo ji do Kwen Kokup manjikbi da ton unun kisin da timik timik akdaman. Asi Pinjkop dakon minat aminyo nin Pinjkop da tenjenikon ekwaman unun yo abidokdaman. <sup>13</sup> <sup>g</sup>Pinjkop da nin pilin tuk da kisiron ban pulugan nipmanek monji Yesu unun but dasi galak tan imisak unun da kila asak da kagagwan nipgut. <sup>14</sup> <sup>h</sup>Pinjkop dakon Monji da nin yuman nan nipmanek diwarinin wiririk nimgut.

#### **Kristo unun Pinjkop da yo morap wasagit dakon busunji egisak**

<sup>15</sup> <sup>i</sup>Kristo amin da kawit, unun Pinjkop, dabil da aripmi dima kokogi unun dakon wupmisi. Kristo unun Pinjkop da yo morap wasagit

<sup>a</sup> 1.3-4 Ep 1.15-16   <sup>b</sup> 1.5-6 Ep 1.13; 1Pi 1.4   <sup>c</sup> 1.7-8 Kol 4.12; Plm 23   <sup>d</sup> 1.9 Ep 1.16-17  
<sup>e</sup> 1.11 Ep 1.19; 3.16   <sup>f</sup> 1.12 Ep 1.11,18   <sup>g</sup> 1.13 Lk 22.53; Ep 2.2   <sup>h</sup> 1.14 Ep 1.7

dakon busunji egisak. <sup>16</sup> Kristo da iyi yo morap wasagit. Miktimon yo pindakgamanj unun gat ae Kwen Kokup yo dima pindakgamanj unun gat kisi wasagit. Ae kila amin madep gat ae anjelo madep gat ae wup tapmimi toj gat ae yo kila ani do yan dagok anyobi mibili mibili gat kisi wasagit. Asi, Pinjkop da yo morap Yesu da kisiron da wasagit, ae yo morap unun iyi dakon.

<sup>17</sup> Yo morap dima noman tanakwa Kristo kili egipgut. Ae yo morap iyi da kisiron da kila anjakwan kosirikon toj. <sup>18</sup> Kristo unun panmuwukbi minjat aminyo dakon busunji egakwan panmuwukbi unun giptimni. Iyi panmuwukbi dakon egip egip dakon mibili. Unun amin kili kimakgwit da binapmon da mibiltan pidagit do iyi yo morap dakon busunji aripmi tagi egipjak. <sup>19</sup> Nido, Pinjkop da iyi dakon egip egip morap kisi ae tapmim morapni kisi Monji unudon tosak do tagisi nandagit. <sup>20</sup> Pinjkop da miktim gat ae Kwen Kokup gat dakon yo morap kisi unun gat but kalon ani do nandagit. Kristo dakon yawi tilak kindapmon tagalgit unun kosiron da but kalon noman tosak do nandagit.

<sup>21</sup> Ji kalip Pinjkop da dubagikon egek uwalsi anj imgwit. Nido, nandak nandakji da uwal anj iminjek ji anjak yokwisi awit. <sup>22</sup> Mani, Kristo unun tilak kindapmon kili kimakgit, yan aban Pinjkop da ji panpuluganban iyi gat but kalon awit. Unun iyikon panap do anjek yan agit. Ae iyi da dabilon gulusunji mini telagi ae gwaljigi mini egipni do yan agit. <sup>23</sup> Ji nandan gadatji tebaisi abidanjek tebai atni kanj, yan gin noman tanj damdanj. Ji yum pindakakwa yo kinda da nandak nandakji ilikba, Gen Bin Tagisi nandanjan nandanjan gadat tebaisi anjek jomjom agak dakon anjak abidawit unun di yipmanj dekbam. Nak Pol, Gen Bin Tagisi unun yan tenjenok abanj dakon oman amin dagoko minjat aminyo morap mibili mibili miktimon ekwan unun yan tenjenok anj yomgumanj.

### Pol da Kolosi amin panpulugagit

<sup>24</sup> Abisok nak ji panpulugok do giptimnokon tepmi pak do tagisi nandisat. Nak panmuwukbi panpulugok do nandisat, unun Kristo dakon giptimni. Kristo panmuwukbi panpulugok do tepmi pagit unun aban dima dagagit. Giptimnokon tepmi pasat unun Kristo da tepmi pagit unun aripmi ak do nandak nandak asat. <sup>25</sup> Nak panmuwukbi morap ji dakon oman amin daganjek egisat, nido Pinjkop da iyi nak ji Israel amin kabikon nani dima unudon gen morapni yan tenjenokenj do nak manjigit. <sup>26</sup> Kalipsigwan bisapmi bisapmi Pinjkop da minjat amin morap kabi kisikon gen on si anjisibigit. Mani abisok Pinjkop da gen unun anjalon

i 1.15 Jn 1.18; 2Ko 4.4 j 1.17 Jn 1.1; 8.58 k 1.18 Ya 26.23; Ep 1.22-23; PA 1.5

l 1.19 Kol 2.9 m 1.20 Ep 1.10 n 1.21 Ro 5.10; Ep 2.12 o 1.22 Ro 5.10; Ep 5.27

p 1.25 Ep 3.2,7-8

aban iyi dakon miŋat aminyo nin da kili nandamaŋ. <sup>27</sup>Asi, Piŋkop da miŋat amin kabini nin noliŋban yaŋsi nandamaŋ, gen pasili uŋun wagil tagisisi, ae uŋun da Israel amin kabi gat ae Amin Iŋwakŋwari Kabikon nani nin kisi tagisi paŋpulugosak yaŋsi nandamaŋ. Gen pasili uŋun yaŋ: Kristo uŋun ji gat egisak. Ae uŋun da ji timik paŋgwan uŋun gat Kwen Kokup egipni do ji uŋun do jomjom aŋek ekwaŋ.

<sup>28</sup>Yabekbi nin Kristo dakon Gen Bin Tagisi miŋat amin morap kabi kisikon yaŋ teŋteŋomaŋ. Nin nandak nandak tagisisi uŋun baŋ miŋat amin morap yoyiŋ dekgamaŋ, ae Piŋkop dakon gen morap pakyaŋsi kaŋ kimagek yolni do yoyamaŋ. Nido nin Yesu yolyol amin tebaisi dagaŋba Piŋkopmon paŋkineŋ do nandamaŋ. <sup>29</sup>Yaŋsi noman toni do nandaŋek nak tapmim morapno taŋ namiŋakwa pi tebaisi asat. Kristo da iyi uŋun tapmim paŋalon namiŋakwan pi uŋun asat.

### Nandaŋ gadat tebai aŋek top gen pabiŋ yopneŋ

**2** <sup>1</sup>Nak Pol da on nandani do nandisat: Nak ji gat ae Laodisia miŋat aminyo gat ae miŋat amin morap diwari gat kisi da nak dakon iŋam dima kawit amin nak ji kisi paŋpulugok do pi madepsi asat. <sup>2</sup>Pi madepsi asat, nido ji dakon but paŋteban abo tebai tosak do nandisat, aŋek but dasi galak taŋ yomyom aŋpak tagisi taŋakwan kabi kalonji ani. Pi madepsi aŋapbo uŋun da ji dakon nandaŋ gadat paŋteban aŋakwan Piŋkop dakon gen pasili uŋun dakon mibili tagi nandaba piŋosak. Kristo uŋun gen pasili uŋun dakon mibili. <sup>3</sup>Nandaŋ kokwin tagisi morap gat ae nandak nandak tagisi morap gat uŋun yo tagisi yumaŋ nogi wukwisi yombem da Kristokon pasili toŋ.

<sup>4</sup>Nak gen on yosot, nido amin di da top dayiŋek paŋgalak ani yaŋ do dima galak tosot. <sup>5</sup>Asi, nak ji gat kisi dima ekwamaŋ, mani nandak nandaknokon da ji gat egisat. Ji da but kalon aŋek Kristo tebai nandaŋ gadaŋ imaŋ, uŋun do aŋek but galaksi nandisat.

<sup>6</sup>Ji Yesu Kristokon gadaŋek yipba Amin Tagisi egipgut, do uŋun da aŋpagon sigin egipni. <sup>7</sup>Ji kindap geli yopba piŋakwa miŋtimon tebai akgaŋ, ae yut da gwak tebai da kwenon tebai akgaŋ uŋun da ariŋmon tebai atni. Aŋek Gen Bin Tagisi amin da dayiŋ dekgwit uŋun tebaisi nandaŋ gadaŋ kimotni. Aŋek bisapmi bisapmi Piŋkop ya yaŋ iyin kimotni.

<sup>8</sup>Ji kaŋ kimotni. Amin kinda da top gen kinda dayiŋban nandak nandakni di yolbam. Uŋuden amin babikni gat ae wup yokwi kundu ae miŋtimyo kila aŋ dakon nandak nandak baŋ timikgaŋ. Uŋun Kristo dakon nandak nandak dima yolgaŋ. <sup>9</sup>WJi disi nandaŋ, Kristo amin nin

¶ 1.26 Ro 16.25-26; Ep 3.5,9 ¶ 1.29 Ep 3.7,20; Pil 4.13 § 2.3 1Ko 1.24,30

† 2.4 Ro 16.18 † 2.5 1Ko 5.3 † 2.7 Ep 3.17

yombem dagaŋek Piŋkop dakon egip egipni tugaŋ imgut. <sup>10</sup>\*Ae Kristo kalonon gin egip egip bami jikon tugagit. Uŋun kila amin mibili mibili miŋtimon ae kwen binap ekwaŋ kisi dakon Amin Tagini egisak.

<sup>11</sup>†Ji Kristo gat gadawit aŋek Kristo da pi agit do aŋek but kalip kili yopmaŋ mudawit. But kalip yopyop dakon aŋpak uŋun giŋtim mandak dakon aŋpak yombem, mani uŋun giŋtim dakon dima. Kristo da yo uŋun butjikon agit. <sup>12</sup>‡Ji telagi pakbi sowit bisapmon, Piŋkop da ji gat ae Kristo gat kisi kimakbi tamogwan wayikgit. Ae Piŋkop Kristo kimoron naŋ aban pidagit uŋun dakon tapmim madepni do nandaŋ gadaŋ, do telagi pakbi sowit uŋun kimoron baŋ paban pidawit yaŋ asak.

<sup>13</sup>¶Kalip ji yokwi mibili mibili awit, aŋek but kalip dakon aŋpak yolba uŋun da dikban kimakgwit. Mani abisok Piŋkop da paŋpulugaŋban Kristo gat kisi egip egip ekwaŋ. Aŋakwa Piŋkop da diwarinin kisisi wiririk nimgut. <sup>14</sup>‡Nin gulusuŋ morapmi agimaŋ, do Piŋkop dakon gen teban mandabi da toŋ uŋun da gen yaŋ nimŋek obisi pabiŋ nipgut. Mani, Piŋkop da Yesu tilak kindapmon kimakgit bisapmon papia tam uŋun abidaŋ tilak kindapmon aŋakgit. Yaŋ aŋek gen teban mandabi uŋun kisi morap aban pasilakwan gen wagil kimakgit. <sup>15</sup>¶Yaŋ aŋek koŋ tapmimi toŋ dakon busuŋi morap gat, ae koŋ tapmimi toŋ diwari gat dakon tapmim pabiŋ yopgut. Aŋek Kristo da tilak kindapmon pi agit do aŋek, Piŋkop da pabiŋ yopban miŋat aminyo da dabilon yo isali awit.

**Nin Kristo gat kisi kili kimakgimaŋ, do gen teban  
morap da nin aripmi dima paŋpulugogi**

<sup>16</sup>¶Yaŋdo, amin kinda da gen yaŋ damiŋek jap pakbiyo dakon gen teban dima yolgaŋ, bo telagi bisap madep do bilagi bilagi dima yolgaŋ, bo ae kanek kalugi dakon bisap dima yolgaŋ, bo ae Sabat bisap yo kisi dima yolgaŋ, uŋun morap do yum pindagakwa amin da gen di yaŋ dabam. <sup>17</sup>‡Uŋun yo bami noman tokdisak dakon wupmi gin. Yo bamisi uŋun Kristo. <sup>18</sup>¶Yaŋ do aŋek amin kinda yo dipminon pindakgit uŋun do dayiŋek ji aŋelo gawak yomni do dayiŋban kaŋ yum kaŋakwa dima pabiŋ depjak. Uŋuden amin but kalip dakon aŋpak yolek iyi do nandak nandak amin yaŋ nandaŋ. <sup>19</sup>¶Uŋun amin Kristo busuŋnin yipmaŋek uŋun da kagikon ekwaŋ. Busuŋnin uŋun da giŋtimni kisi upmokdok, aŋek giŋtim dakon saŋbek morap saŋbeŋakwan gadaŋek tagi toŋ. Aŋakwan giŋtim uŋun Piŋkop da tapmimon tagaŋ madep toso.

<sup>20</sup>†Ji Kristo gat kili kimakgwit, yaŋ aŋek on miŋtim dakon nandak nandak yokwi kili yipmaŋ dekgwit. Do ji nido abisok miŋtim amin da aripmon akwaŋ? Ji nido on miŋtim dakon gen teban uŋuden yolgaŋ?

<sup>21</sup>¶“Ji yo dima timitni, ji yo dima noni, kisitgokon yo dima paŋkutnoki.

---

<sup>w</sup> 2.9 Jn 1.14,16    <sup>x</sup> 2.10 Ep 1.21-22    <sup>y</sup> 2.11 Ro 2.29    <sup>z</sup> 2.12 Ro 6.4    <sup>a</sup> 2.13 Ep 2.1,4-5  
<sup>b</sup> 2.14 Ep 2.14-16; 1Pi 2.24    <sup>c</sup> 2.16 Ro 14.1-13    <sup>d</sup> 2.17 Ibr 8.5    <sup>e</sup> 2.19 Ep 2.21; 4.16

Ji yanj ani karj, Piŋkop da dabilon jimjimji toŋ.”<sup>22</sup> Gen teban uŋun jap isali amin da don nanj mudoŋ uŋun do yoŋ. Amin dagin gen teban uŋun yopmaŋek uŋun baŋ dayiŋ dekgaŋ. <sup>23</sup>Asi, amin diwari gen teban uŋuden yolek nin Piŋkop bamisi gawak imamaŋ yanj nandaŋ, mani dimasi. Ae iyi do nandaba piŋakwa giptimni paŋupbal aŋek Piŋkop da uŋun do tagisi nandaŋ nimisak yanj nandaŋ. Uŋun gen teban yolek nandak nandak tagisi baŋ yolgamaŋ yanj nandaŋ, mani dimasi. Uŋun gen teban morap da nin paŋpulugaŋba but kalip dakon aŋpak aripmi dima pabiŋ yopneŋ.

### Nin Kristo gat kisi kimoron da kili pidagimanj

**3** <sup>1</sup>Ji Piŋkop da egip egip kalugi damgut aŋek Kristo gat kisi kimoron baŋ paban pidawit. Uŋun do aŋek ji Kwen Kokup dakon yo timit do nandak nandak ani. Uŋun kokupmon Kristo uŋun Piŋkop da amin tet do kila amin madep yityit tamonikon yikdak. <sup>2</sup>Ji Kwen Kokup dakon yo dogin nandaŋek miŋtim dakon yo do dima nandani. <sup>3</sup>Nido ji amin kili kimakgwit yombem. Ji Piŋkopmon gadaŋek egip egipji bamisi uŋun Kristokon pasili tosok. <sup>4</sup>Kristo egip egipnin dakon mibili don altaŋ noman tosak bisapmon jiyo kisi uŋun gat Piŋkop da teŋteŋi madepmon altaŋ noman tokdaŋ.

### Kristo uŋun nin da butgwan egek uŋun da aban nin miŋat aminyo kalugi dagagimanj

(Kilapmi 3.5–4.18)

#### Nin miŋat aminyo kalugi agimanj

<sup>5</sup>Yaŋdo, ji miŋtim dakon aŋpak morap butjikon toŋ uŋun dapba kimak mudoni. Nak aŋpak oden do yosot: yumabi aŋpak mibili mibili, ae yo yokwi ak do but kindap, ae yo morapmi timit do nandaba kik. Uŋun yo morapmi timit do nandak nandak uŋun da ji kokup kidat gawak yomaŋ yanj asak. <sup>6</sup>Piŋkop da miŋat aminyo aŋpak uŋuden aŋek geni dima guramiŋgaŋ uŋun tomni yokwisi yomdisak. <sup>7</sup>Jiyo kisi kalip Piŋkop dakon gen dima guramiŋkwit bisapmon aŋpak uŋuden awit. <sup>8</sup><sup>k</sup>Mani abisok aŋpak uŋuden wiririk mudoni. Ji butjap dima nandani, ae amin do nandaba yokwi tok dima ani, ae amin do yaŋba yokwi tok dima ani, aŋek gen dima yogogi dima yoni. <sup>9</sup><sup>l</sup>Paŋmuwukbi notji top gen dima yoyini. Nido, but kalip gat aŋpakni gat kili yopgwit. <sup>10</sup><sup>m</sup>Aŋek ji kili amin kalugi dagawit. Asi, Piŋkop da iyi ji paŋkaluk aŋek nandak nandak tagisi damiŋakwan amin kalugi dagaŋek iyi yombemsi ekwaŋ. <sup>11</sup><sup>n</sup>Do egip egip

<sup>f</sup> 2.20-21 Gal 4.3,9; 1Ti 4.3    <sup>g</sup> 2.22 Mt 15.9    <sup>h</sup> 3.1 Mk 12.36; 16.19; Ep 1.20

<sup>i</sup> 3.2 Mt 6.33    <sup>j</sup> 3.5-6 Ro 6.6,11; Ep 4.19; 5.3-6    <sup>k</sup> 3.8 Ep 4.25-29; 5.4

kalugi unjodon, ji kisi arip gin. Amin ŋwakɲwari Kabi bo Juda amin, unjun yo isali. Bo ae giptim mandabi bo dima mandabi, unjun yo isali. Bo ae dubagikon amin geni ŋwakɲwari yonj ae anpakni ŋwakɲwari an unjun yo kisi yo isali. Bo ae oman amin bo oman amin dima, unjun yo isali. Yo madep unjun Kristo nin kisin dakon wukwinin egisak, ae nin kisi morapgan egisak.

### Nin amin do but dasi galak taŋ yomyom anpak abidanj kimotnej

<sup>12</sup>°Piŋkop da ji kili manjigit da iyi dakon telagi miŋat aminyo egakwa but dasi galak taŋ damisak. Do ji anpak oden baŋ yolek ani: Ji miŋat aminyo kisi morap do bupmisi nandanj yomiŋek yo tagisi anjomni. Ji disi do nandaba piŋakwa miŋat aminyo anpak yaworisi anjomniŋek but yaworon da jigi pani. <sup>13</sup>°Ae jikon amin di gat gen di toŋ kaŋ, but tobil ani do bikbik yomni. Anjek yum pindagek diwarini yopmaŋ yomni. Amin Tagi da diwarisi kili yopgut, do jiyo kisi notji dakon diwarini yopmaŋ yomni. <sup>14</sup>°Ji amin do but dasi galak taŋ yomni, nido unjun anpak da anpak morap yapmaŋ mudosok. Ae unjun da anpak tagisi morap kisi jonjiban pi kalonj anj. <sup>15</sup>°Yum kaŋakwa Kristo da but yawot damisak unjun da nandak nandakji kila asak. Nido, Piŋkop da ji iyi do manjineŋ butji yawori taŋakwan giptim kalonj egipni do nandisak. Ae ji yo morap do Piŋkop ya yaŋ iyini. <sup>16</sup>°Kristo dakon gen yipba butjikon tebai tosak. Ji kalonj kalonj notji yoyiŋdet aba nandak nandak kilegi timigeŋ anpak tagisi baŋgin ani. Butjikon da Piŋkop ya yaŋ iyini, ae Kap papiakon kap yoni, ae Piŋkop gawak imim dakon kap yoni, ae Telagi Wup da kap paŋalon anj damisak unjun yo kisi yoni. <sup>17</sup>°Ae gen morap yoni, ae pi morap anikon nin Amin Tagi Yesu dakon miŋat aminyo yaŋ nandaneŋ ani. Anjek Yesu da manon yo morap do Piŋkop ya yaŋ iyini.

### Pol da Yesu yolyol amin yuri kinda niaŋ egipni do yaŋit

<sup>18</sup>°Miŋat ji esi dakon gen nandaneŋ guramitni. Nido, ji Amin Tagi dakon, ae anpak unjun Piŋkop da dabilon kilegisi. <sup>19</sup>°Ae wili ji miŋatji but dasi galak taŋ yomiŋ kimotni, anjek buri si yokwi toni da aripmon anpak yokwi dima anjomni.

<sup>20</sup>°Ae miŋat monjiyo, ji meŋ datji dakon gen nandaneŋ yo morapmon geni guramitni. Amin Tagi da unjoden anpak yolni do galak tosak. <sup>21</sup>°Ae dat, ji monji gwayosi tebaisi yoyiŋba ji do nandaba yokwi tok di anj dabam. Yaŋ aba yo tagi di nin da aripmi dima aneŋ yaŋ di nandabam.

<sup>1</sup> 3.9 Ep 4.22,25    <sup>m</sup> 3.10 Ep 4.24    <sup>n</sup> 3.11 Gal 3.28    <sup>o</sup> 3.12 1Pi 2.9    <sup>p</sup> 3.13 Ep 4.2,32  
<sup>q</sup> 3.14 Ro 13.8-10    <sup>r</sup> 3.15 1Ko 12.27; Ep 4.4; Pil 4.7    <sup>s</sup> 3.16 Ep 5.19    <sup>t</sup> 3.17 1Ko 10.31;  
 Ep 5.20    <sup>u</sup> 3.18 Ep 5.22    <sup>v</sup> 3.19 Ep 5.25

**Pol oman amin gat kila amin gat do yagit**

<sup>22</sup>Yoman monji, ji kila aminji dakon gen morap guramik kimotni. Nindaba tagisi asak yaŋ do aŋek kapmat egek dandisak bisapmon pi tagisi di abam. Dima. Ji Amin Tagi do pasal imiŋek pi ani uŋun but dasi nandaŋek ani. <sup>23</sup>Yo morap ani uŋun si teban taŋek ani. Amin dogin dima, Amin Tagi do pi amaŋ yaŋ nandaŋek ani. <sup>24</sup>Disi nandaŋ, don Amin Tagi da tomni damdisak. Tomni uŋun yo tagisi miŋat amini do manjiŋit uŋun. Ji Kristo dakon pi monji ekwaŋ, ae uŋun kila aminji egisak. <sup>25</sup>zAmin morap gulusuŋ aŋ, uŋun gulusuŋni dakon tomni timitdaŋ. Piŋkop da miŋat amin morap dakon aŋpak kokwin ak do arip gin asak.

**4** <sup>1</sup>aKila amin, ji oman monjisi aŋpak tagisi ae kilegisi baŋ anyomni. Disi nandaŋ, jiyo kisi oman monji egakwa Kila Aminji Kwen Kokup egisak.

**Bisit tebai aŋek aŋpak kilegi aneŋ**

<sup>2</sup>bBisit agak uŋun tebaisi abidaŋ kimotni. Aŋek bisit ani bisapmon si nandaŋ kimagek Piŋkop ya yaŋ iyini. <sup>3</sup>cPiŋkop da ninyo kisi paŋpulugosak do bisit ani. Bisit iyinba Kristo dakon gen kalip pasili tagit uŋun yaŋ teŋteŋoneŋ do Piŋkop da kosit yipmaŋ nimjak. Nin geni aŋteŋteŋ ano miŋat aminyo da dima galak taŋek dam tebanon nepgwit. <sup>4</sup>Bisit aba geni uŋun nomansi yaŋ teŋteŋokeŋ. Piŋkop da yaŋsi abeŋdosi nandisak.

<sup>5</sup>dJi paŋmuwukbi dima abi miŋat aminyo gat egipni bisapmon nandak nandak tagisi baŋ yolek aŋpak kilegi aŋ kimotni. Bisapmi bisapmi Kristo da miktimon aŋpak agit, uŋudeŋ ak do tagap toni. <sup>6</sup>eBisapmi bisapmi gen tagisi miŋat aminyo paŋpulugogi uŋun baŋgin yoni. Do gen di mibili nandak do dayini bisapmon geni kobogi gen tagisi baŋ yoyini.

**Pol da Tikikus gat Onesimus gat yabekban Kolosi kigimal**

<sup>7</sup>fTikikus da nak da egip egip morap asat uŋun dayikdisak. Tikikus uŋun notninsi, ae pi isalnin, ae Amin Tagi dakon oman amini tagisi. <sup>8</sup>gNin niaŋ ekwamaŋ dakon geni dayinban nandani, ae ji dakon but paŋteban asak, mibili yaŋ do aŋek jikon yabekgo kigit. <sup>9</sup>hNak Onesimus yabekgo Tikikus gat kigimal. Onesimus uŋun notnin tagisi. Uŋun pi do but dasi nandaŋek aŋ kimokdok. Uŋun ji da kabikon amin kinda. Uŋun bamot da yo morap idon noman tawit uŋun do dayikdamal.

y 3.22 Ep 6.5-8 z 3.25 Ro 2.11 a 4.1 Ep 6.9 b 4.2 Ep 6.18; Pil 4.6 c 4.3 Ro 15.30; Ep 6.19 d 4.5 Ep 5.15-16 e 4.6 Ep 4.29; 1Pi 3.15 f 4.7 Ep 6.21 g 4.8 Ep 6.22 h 4.9 Plm 10-12



**Pol da gildatni tagi Kolosi amin do yipban kigit**

<sup>10</sup><sup>i</sup>Aristakus, ujun nak gat kisi dam tebanon ekwamak. Ujun da gildat tagi yan dayisak. Ae Mak, Banabas dakon nugi, ujunyo kisi gildatni tagi yan dayisak. (Nak Mak do gen kili yipbo nandawit. Gen ujun yan: jikon apban kan, but galagon da abidoni.) <sup>11</sup>Ae amin kinda Yesu, amin da Jastus yan iyan, ujunyo kisi gildat tagi yan dayisak. Israel amin kabikon ujun amin kabi dagin nak gat pi anjek Pinjkop dakon amin kila agakni teban tosak do pi amañ. Ujun amin da butno tagisi anteban añ.

<sup>12</sup><sup>j</sup>Epapras da gildat tagi yan dayisak. Ujun ji da kabikon amin kinda, ae Yesu Kristo dakon oman amin. Ji da Pinjkop dakon galaktok morap nandaba pisanjek tebai atni do bisapmi bisapmi bisit tebai asak. <sup>13</sup>Yanji dayisat, ujun da ji gat ae panmuwukbi morap kokup pap Laodisia ekwan gat ae Irapolis kokup papmon ekwan ujun panpulugok do pi madepsi asak.

<sup>14</sup>Luk, wuda wamaknin ujun but dasi galak tan imamañ, ujun gat ae Demas gat da gildat tagi yan dayamal.

<sup>15</sup>Laodisia kokup papmon panmuwukbi ekwan ujun gildatno tagi yoyini. Ae Nimpa gat ae panmuwukbi morap ujun miñat da yutnon muwukgan ujunyo kisi gildatno tagi yoyini. <sup>16</sup>Ji papia on manjinek Laodisia panmuwukbi do yipba kwan ujunyo kisi da manjini. Ae papia Laodisia do yipbo kigit, ujunyo kisi ji da tagi manjini. <sup>17</sup><sup>k</sup>Anek Akipus yan iyini, “Gak Amin Tagikon pi abidagil ujun kilani tagisi anjek pi ujun tagisi abi.” <sup>18</sup><sup>l</sup>Nak Pol da naga gildat tagi on mandisat. Dam tebanon sigin egisat, do dima inñan namni. Pinjkop dakon nandan yawotni jikon tosak.

---

<sup>i</sup> 4.10 Ya 12.12; 13.13; 15.37-39; 2Ti 4.11    <sup>j</sup> 4.12-14 Kol 1.7; Plm 23-24    <sup>k</sup> 4.17 Plm 2  
<sup>l</sup> 4.18 1Ko 16.21